

Nuorttanaste

„Mutto go si oidne naste, de šadde si illoi.“

„Sen (Jesus) læ dat čuvvgis iddedes guovsonaste.“

Nr. 15.

15. jakkegærdde.

»Nuorttanaste« maksa ovta krvvna jakko dagast, blaðde dinggujuvvu juokke poasta rappe bokte.

15. August 1913.

»Nuorttanaste« olgusboatta gnovte gærde manost — dam 15ad ja dam 30ad bæive juokke manost.

Man lakai šaddap mi bestujuvvut ja vanhurskesen-dakkujuvvut?

(Čali Ovla Hændrak).

(Loappa).

Nuftgo Israel albmugin læi Paulus aige, nuft læ maidai ædnagiuim min bajasčuvvgijuvvum aigege, aido sëmma lakai gavdnujek ædnagak maidai min aigege ja i uccemusat aleb klasai gaskast, dai nuft goččujuvvum „moderne teologai særvest, gæk viggæk oudandoallat vanhurskesvuoda gæino æra lakai go Ibmel sadne čujota. Si doivvuk ječasek læt visesen mutto sin ječasek „visesvuodain“ sevnjudattek si ječasek nuft, atte si œi sate oaidnet dam duotta gæino, mi Ibmelest gavdnu. Si galgašegje maid dovddat burist laga ja dam sistdoalo, ja damditi im aigo mon algget sardno sigjidi dam birra. Dal guodam mon sin ja aigom viggat Ibmel armo bokte oudandoallat laga daidi gæk æi ibmer dam nuft go dat galgaši. Daddeke i læk dšše laga bokte ædnagak viggæk ožudet aldesæsek vanhurskesvuoda, mutto maidai ječasek „buorre dagoi“ bokte. Mon jakam atte ædnagak „Nuorttanaste“ lokkin læk stuora sævdnjadvuodast dam aše harrai. Damditi: Oažomgo mon lobe nuft lundolažat ja ovtagærddanet go mon satam čilgit dudnji suollemasvuoda bestujume ja vanhurskesvuoda gæinost?

Oažomgo mon lobe vuost namatet vebaš du „buorre dagoi“ birra, mutto im goit daggo bokte aigo guoskatet du gudne. Mon jæram dust gutte logak daid linjaid: Lækgo don okta daina gutte viggæk ožudet aldesad vanhurskesvuoda du ječad dagoi bokte? Dat læ: Don oskok atte go don dagak buri dagoid, de don šaddak audogassan om. diti don addak rudaid daihe obmudaga miššoni daihe vaivašidi, vœketak hæjoid, sarnok usteblašat sigjidi, gæid don dæivak du ællemgæino alde, læk buorre du sidaguimidat vuostai, ik sarne bahai ovtage gudne ala, čajetak ječad nuft sivajen ja buorren gk læ vejolaš, bovddik davja gusid ja viggæk dakkat du ællemlage nuft čabbesen ja minstarvœran olmui čalmi oudast go dudnji læ vejolaš. Go don buok dam satak dakkat, de doaivuk dam ja batak ječad atte don læk dokkalaš Ibmel hærvavutti. Ja don cælkak vela ješ aldesad: Ibmel i sate must gaibbedet æmbo, go mon dagam dam mi buorre læ, de fertte Ibmel læt munji arbmogas ja logatallat mu vanhurskesen daggobokte. Mutto gula mu rakis ustebam! Mon cælkam dudnji vuiggistaga: Don ik sate dam lakai goassege šaddat audogassan ja don ik boade goassege alme hærvavutti dam gæino bokte, daihe don jakešak daihe ik I oktage olmuš šadda vanhurskesen ječas dagoi bokte, ja ige čuožo bibalest goggege nuft.

Jos don maidai læk okta daina gutte viggæk ožudet aldesad vanhurskesvuoda laga dagai bokte, de cælkam mon dudnji: Ik maidai dam gæino boktege boade don

goassege audogavutti, dam don oažok luottet. Sëmma uccan go don šaddak bestujuvvut ječad dagoi bokte, aido sëmma uccan šaddak don bestujuvvut laga dagoi bokte. Dat læ buttes duottavuotta. Muite atte Jesus Kristus læ ollašuttam laga čuoggas čuoggai su basse ja vigetes ællemes bokte maid i oktage olmuš læk sattam. Ja aivestassi Jesus Kristus, dat ælle Ibmel bardne ja min bæste læ son, gutte læ buktam migjidi bestujume ja vanhurskesvuoda. Dastgo Jesus læ laga ollašubme, vanhurskesvuottan juokkehažži gutte osko.

Dast gavdnu čilggitus dal vanhurskesvutti. Gula, maid Ibmel cælkka Paulus bokte Rom. 10,9 — 11: „Dastgo jos don du njalmin dovdstak atte Jesus læ Hærra, ja du vaimostad oskok, atte Ibmel bajasbovti su jabmi lutte, de galgak don šaddat bestujuvvut dastgo vaimoin osko olmuš vanhurskesvutti ja njalmin dovdsta bestujubmen. Dastgo čala cælkka; Juokkehaš gutte osko su ala i galga šaddat lappašuvvut“. Die læ gæidno — Jesus læ ješ gæino vanhurskesvutti. De guode dal buok du ječad ja laga dagoid ja osko aivestasi Jesus ala ja maid son læ dakkam du oudast. Go don nuft læk visses dam ala atte Jesus læ jabmam ja bajasčuožželam du suddoid diti ja dudnje vanhurskesvuottan de don oažok rafhe Ibmelin Jesus Kristus bokte ja mi vela stuoreb: Don bæsak arbbit maid su hærvavuoda agalažat. Maggar hærvas boatteaigge dalle šadda!

Ibmel su armestes vœketifci

min ja bajasčuvvgeši min sevdnu-
dattum jierme oaidnet atte mi læp
lappum ja dubmijuvvum suddolažak
aldamek, mutto bestujuvvum Jesus
vara bokte mi golgai Golgata ruo-
sa alde mailme suddoi diti gæn
varra buttesta min buok suddost.
Gudne ja gitalus gulla sudnji aga-
laš aiggai!

**Giældapappa
Gudbrand Tandberg
1869—1913.**

Nuotta: Goc' dal siello ja
Don du lattoi dal
balvvalægjad gal
ditktet armost viežžat, Høerram.
Oskaldasat son læ šærram
ganjal ædnamest
dego bæivaš ješ.

Viellja, oskaldas,
balkka vuordda fast
čuoŋga oudast, maid don čaj'tik
go don vaibbam sieloid laidd'jek
ællem agjagi:
Jesus varaidi.

Ganjal golgai dab',
jeddetus læ dobb'
goerde alme hærvastvuodast —
ællem čace dærvastvuodast.
Dabe moraštus,
dobbe vuoiŋadus.

Jos dal havddaige
jaskadvuodastge
rakkasak du vurkkistatte,
Hærra goit i vajaldatte!
Go fast boatta son,
havdest likkak don.

Du mi gitep dal,
maid don addik gal. —
Nuorran vagjulus læ loappam,
havdde læ du rubmaš dappam.
Almest oazok fal
ællem kruono gal.

Gunnar Stendal.

(Samasjorggali Ovla-Hændarak.)

Brævak.

Jottolagast.

Sisasaddi Klemet Andersen,
Vestertanast.
Gudnegelbolas redaktøra!
Bivdam saje dam bittai, mast

mon halidam diedosen dakkat mu
reison Jakkovuonast. Mon satam
dal sagai muittalet dam amas
guvllui Riepvudni ja Jakkovudni,
gost mon gieskad læm fidnam
bovdijame mielde. Hærra su
vuoiŋas bokte læi davja mu hoapot-
tam dobbe fidnat, nuftgo must
maidai aldam læi hallo oaidnalad-
dat mu lundolaš fulkiguim ja var-
rasogalažaiguim. Erinoamačet mon
halidim oaidnet mu aččam vielja,
gutte dal læ 83 jage boares. Stuo-
ra illon læi dat matke mudnji, go
mon bessim gavnadet mu rakis
sogalažaiguim ja sarnodet singuim
sielo ašid birra. Erinoamačet
gavdnim mon dam namatuvvum
vuoras fuolke buorre vuoiŋalaš
dilest. Son læi boattam dovddat
suddo riftes lakai ja maidai gavd-
nam Ibmel arbmo Jesus Kristus
siste. Dastgo suddolažai diti læge
bestujubme vuolgatuvvum, ja gut-
te ječas dubme, dat i šadda gæst-
ge dubmijuvvut. Don morašlaš ja
duotta halidægje siello, dorvas
Høerra loppadusai oskaldesvuoda
ala.

Gal sielo vašalaš mai viggai
dam ræiso vaddesen dakkat mud-
nji, mutto Hærra vækkti. Son læ
mu bæstam dam stuora agalaš-
vuoda njielost, ja nuft maidai ad-
dam mudnji arbmo ja famo duo-
daštet su birra, ja varjalam mu
ječas mannam čada buok vaddes-
vuodaid. —

Jesus cælkka: „Mon gitam
du Ibmel, mu aččam, go don læk
čiekkam dam visain ja jierbmala-
žain ja albmotam dam ovtagærd-
danidi ja uccakažaidi.“

Vaddes læ luondojiiermai guora-
tallat Ibmel gæinoid, dainago lun-
dolaš olbmuš i arvved dai dingaid,
mak læk sudnji jallavuottan dai-
nago dak dubmijuvvujek vuoiŋa-
lažat. —

Mutto dobbe dam amas guov-
lust mon gal gavdnim Ibmel Bas-
sevuoiŋast čuvvgijuvvum vieljaid
ja oabbaid, gudek muina arvva-
legje, atte must læ vissa rakisvuot-
ta, go nuft gukkes matke læm
dakkam fulki oappaladdam diti.
Dasa læm mon ferttim vastedet,
atte Hærra su stuora arnostes læ
ješ sivdnedam mu vaibmoi ja sil-
loi ælle osko čuonan, man siste

dat duotta ja ælle rakisvuoda čuo-
nan læ cakkanam, ja dat duotta
ja ælle rakisvuotta valdda buok
vaive bagjelasas alma balkakætta.
I dat væket maidege, jos mon
oskošim nuft atte varid daina sir-
dašim, go rakisvuotta vaillo. A-
postal Jakob čalla migjidi odda
bakkoma. Dat læ min lagamuš,
gæn mi galggap rakistet. I Ibmel
æige engelak darbaš min væke,
mutto olbmuk, gudek assek min
birra. Mi læp goččujuvvum sin
balvvalet obmudagain ja rubma-
šin alma mavso gæčakætta, jos
mi aiggop vagjoleet bæste juolgge-
luoddai mielde.

(Loappa boatte nummarest).

I. Guovddagæinost.

Hr. redaktøra Ovla Andras!

Bivdam saje dam moadde
sadnai „Nuorttanastai“. Dabe læ
læmaš hirbmos bakak dam gæse,
ja dat læ billedam rassešaddo, mi
dam jage læ sagga hæjjob go man-
nam jage. Dak hirbmos goikke
bakak boldde visut giddid ja goik-
ke ædnamid. Lasta maidai ruš-
kuda dam gæse arad go dibma.
Gidda gæses legje dušše goikke
bakak.

Guollebivddo læ læmaš mut-
tom duoddar javrin hui hæjjo,
dainago nuft jalahas bakka gæsse
læ læmaš, ja guvča i duosta boat-
tet gadde vuollai.

Ollo vaimolaš dærvuodak buok
blade lokkidi.

K. Hætta.

II. Guovddagæinost.

Mon saddim dudnji hr. redaktøra
moadde sane, muittalam varas, atte
gæsse min guovlost i læmaš buorre
dam jaga. Lagjo læ dal alggam, mut-
to arvek læk valljis. Varin læ maidai
oidnum muottage daid beivid. Ollo
olbmuk læ min guovlust lagjim giddid
ja jos i firte, de guocaget visut.

Æi læk galle dalost assek Guovd-
dagæinost.

Ollo dærvuodak buokaidi.

J. Thure.

Mace, 11.—8—1913.

Mietta Sameædnam

bægga hæjos rasse šaddo dam jage.
Maidai Nordlanda ja Tromsa amtastge
læ hæjos šaddo jakkodak dat jakke.

Vehaš prenta dinggojægjidi!

Ædnag Same ustebak læk dinggom čallem baparid, konvoluttaid j. n. v. vehaš ain færa man sortast. Go dat i gannat prenttet nu uccan ja mist læ uccan dille smavva prenttemušaid doaimatet, de mi læp damditi hœittam dam bargo, nuft atte dam rajest i gannat šat œmbo čallet dai maŋnai.

„Nuorttanaste“ doaimatus.

Veha buollevina birra.

Sagga miella lifči čallet dam min aidno samegiel blađđai bitta; mutto oidnu, atte œi valde buok bittai blađe ala. — Mutto bivdam dadde saje dam bittači.

Mon læm davja jurdašam dam min suokkan ala, go buollevidne dalka nuft ollo vahaga daid olbmuidi, guđek dam navdašet, ja dat læ ožžom gosi buokai mielde, ja æi gavdnu mangas, guđek dam nagadet biettelet. Go olmuš boatta girkkobaikkai, de læ garrim olmuš valljis oaidnet. Stuora æljarvuodain vazzek si vine maŋest, ja jos læ vela soames čielgos olmuš, ja son oaidna garrim olbmuid, de son maidai algga dittošet, gost vine læ oazžomest. Ja go vine læ gavdnum, de alggek jukkat ja nuft si massek jierbmesek, ja vajaldattek sin mokidæsek girkkobaikkest. Muttomak vajaldattek maidai girkkoi mannamest, nuft atte bappa sardnu davja dušše guoros seinidi. Go bappa boatta sardnestulloi, de oaidna son girkest dušše moadde boares ako ja dasto muttom asse nuorra nieidai ja barne-luntaid, — ige boade lasse. De son arvveda, atta vine læ ožžom æmbo ustebid go bappa. Ja de son algga sardnedet ja sust læ garra vašše buollevinai ja son sardneda garraset dam rievvara birra, mi læ rievedam buok su ustebid. — Dam lakai vassek basek. Ollo olbmuk læk gal girkkosajest; mutto æi šadda buokak mannat girkest, go i læk čielgga jierbma buokain, dastgo si læk jukkam nuft gukka mirkočace, mi billesta jierbme. Muttomak æi čielga gukkes aiggai. Ja gi riftes jierbme ala datto bæssat, son fertte ollaset hæittet jukkamest dam mirko jukkamuša. —

I diggestge sadda buok aigid mikkege. Lensmanne vuordda kantorast

ustebides boattet, mutto i oktage boade. Soames bæive dæivva son sin oaidnet, ja arvvalasta, atte gal dal lifči čilggim aigge. De vasteduvvu: Gal mon itten boadam ja lensmanne vuordda olles vakko ja buokak mannet ige šadda mikkege čilggijuvut. —

Klemet Bingis,
Guovddagæidno

Valgga-bitta

daihe vastadus Nils Andersen bittai, sisasaddijuvvum Lagesvuonast, i valdujuvu sisa, go valgga læ juo buorren dokkituvvum.

Red.

Soatte.

Rafhe læ dal vuollaičalluvvum dam 11 august.

Balkanstatak læ guktoi sođid vuolde tapin oktibuok 400000 jabme.

Man gukka dat rafhe bisteš i læk buorre diettet. Maŋemuš avisain oidnu smavaset ballo.

Madapolo bajasgavdne**Roald Amundsen**

læ dal Norgi boattam. Son læ San Franciskost rakkadattemen guokte girdem mašina, maid son aiggo adnet Davvepolast.

Boares nieidda.

Madaædnam boarrasemus nisson læ Marte Brager Arendalast, Son læ gieskad dævddam 103 jage. Son læ ain nu hœvskalaš, atte son guovddelas bæive gođđa godama.

Olgusvagjoløbme

šadda 3000 ucceb dam jage go dibma.

Ođda jottelesruvta

Hammerfesta ja Arkangel gaski šadda daina vuostamuš beivin rabastuvvut. Dat galgga mieldes fievredet galvo ia passešeraid

Giddagasbappa O. A. Lutzow-Holm

devdi 8 august 60 jage. 12 jage (1880—92) læi Lutzow-Holm gieldabappan Unjargast. Son læi maidai Sameædnam amta repræsentanta stuoradiggest 9 jage — namalassi 1886—94. Maŋnel læi son 6 jage stuoradigolmajen Risør gavpugest, man gavpu-

gest son læi maidai gieldabappan 1892—1910 ragjai, go son šaddai giddagasbappan Kristianiast.

Buorre mærradus.

Breivik gieldastivra læ gieskad valddam dam mærradusa, atte diettavassi addet Bergen samlagai, atte i sadet Breiviki buollevine alma attestataga jogo lensmannest daihe ordførarest.

Daggar mærradusaid galgašegje maidai ječa gieldastivrake valddet min ædnamest.

Balkansoade oaffarak. 400,000 jabmam ja 5 miliarda soattegoloidi.

Okta korrespondenta, gutte læ oappaldaddam buok Balkan statai stuorab baikid, rekenasta Balkan statai tapa olbmuhægast ja ruđast dam guovte soadest. Dam vuostas soadest oazžo son œuovvovaš tallaid:

Bulgaria 80,000 jabmam 1200 miljon soattegoloidi.

Serbia 30,000 jabmam, 620 mil. soattegoloidi.

Grækenlanda 10,000 jabmam, 280 mil. soattegoloidi.

Montenegro 8000 jabmam, 16 miljon soattegoloidi.

Tyrkia 10000 jabmam, 1600 miljon soattegoloidi.

*

Dam nubbe Balkansoadest saddek daggar tallak.

Bulgarai 60000 jabmam, 720 miljon soattegoloidi.

Serbia 40000 jabmam, 400 miljon soattegoloidi.

Grækenlandast i oidnu mikkege visses logoid.

Go dasa vela lasetuvvujek dak mak dam soade gočeld læk boattam, nuftgo kolera ja ječa njoammodavdak, satta olmuš tapa uccemusat celkkujuvut 400000 ja olgusgoluk 5200 miljon kruvna.

Dasa vela boatta dat tapa, maid soatte læ buktam handal ja ječa fidno bagjel, mi læ sæmma stuores, go dat namatuvvum olgusgoluk. Dasa vela satta namatuvvut, atte čudidduhatak læ šaddam læbmasen obba ællema čađa.

Okta issoras rekeg!

Vuoi maggar garrodusa soatte bukta rikai bagjell!

Hirbmos bajandalkke

læ gieskad hærjedam Mada Norgast. 100 telefona boatkanegje Kristianiast ja daggo birrasin, Aldagas læ stuora vahagid dakkam fabrikai guovddo. Mutto olbmui hægga gal i læk mannam.

Balkanrafhe duojaldagak.

Jos bistevas rafhe šadda Balkanest, de saddek fast halbed aigek juokke dafhost.

„Vuogas religion.“

Mon im adde maidege du religiona oudast oudalgo dat oidnujuvvu. Lampa i sarnu, mutto dat čuovgga, fyrtoarnast i gullu mikkege »gongemid ja daddeke oidnujuvvu su davalaš čuovgga mærrajottin čace bagjel. Difte damditi du dagoidad čuovggat ja čajetjet du religionad. Difte du valddo sarnad almostuvvat du buorre gœvatunad bokte, ja dalle dat vissasi šadda čuovggat.

Norga

læ fast ožžom ovta ođđa čacevuolaš dampu. Nuft atte Norgalažak dal sattek jottet mæra vuolde, mæra alde ja aimo mielde.

„Fram“

Roald Amundsen Madapola skipa læ ožžom dam gudne, atte mannat Panamakanala nuftgo dat vuostamuš. Kanala rabastuvvu vuost ovta amerikalaš soatteskipast, ja dasto mannel boatta »Fram« Amundsen ješ i oažo dile mielde čuovvot.

Amundsen læ dal garraset rakkanæmen Davvepoli. Son arvvala dam ræiso dakkat 3 daihe 4 jage sisa.

Šaddalam nieidda.

Okta duiska nieidda, Agnes von Hartman, dušše 17½ jage boares jotta dal Norgast ječas čajetam varas. Su govva læ hirbmos oaidnet. Dat nieidda i dædde uccebggo 340 pund, bæle æmbo go okta davalaš nisson. Radde bagjel læ su mitto 1,57, alemi birra 1,73 čoarbaele birra 0,98 m. Gal sust diedostge ferttijik læk maidai naveak. Kristianiast guddi son su »raddides« alde gavpuga stuoramus guolleoaste (Flemensen). Son læ jottam mietta, ja hirbmastuttam ædnag olbmuid su famolašvuodaines.

Buorre saiddebivddo

bægga Væsta Sameædnamest Šoitak læk fidnam gidda 10,000 kg. ragjai nutiguim, mutto stoarbma læ ollo hettim dam ragjai. Ruošša læ maksain 9—10 evre kilost.

Fierbmebivddo gal læ ain vadne. Maidai »duorgoin« læ valljis goddam. Gieskad goddi okta smavva 2 olbma vanas 300 kg. saidi ovta ijast.

Okta issoras dapatus

læ dapatuvvam Novoja Semljast, gost manga ruošalaš bærraš orru, saddijuvvum ovta guollegavpalažast Arkangellest, dutkam varas guolledilalašvuoda. Loge mano gæcest nogai siste hiebmo ja okta nubbe mañest jami nælggai hirbmos gillamušaid vuolde. Šelettak (davtek) čajetegje, atte ædnek legje dæddam manaidæsek ječasek vuostai jamas.

Salledbivddo.

Nordlanda amtast læ valljis salled, mutto smaves, ænaš 5 ja 6 »streka«.

Lødingast læ stengijuvvum valljis salled.

Sigerfjorast læ stengijuvvum 300 mittofarpal, 4—6 streka. Hadde 12 kruvna mittost.

Helgelanda guovlust maidai bægga salled smavvaset.

Oktibuok læ amtast bajasvalddum 4050 mitto, maina vuyddujuvvum salledoljofabrikaidi 1090 mitto, saltijuvvum handalgavvon 3215 farpal, 300 farpal čuoppamsalleden, 85 farpal hermetikgalvon, ræsta sidastadnum.

Tromsa amtast

læ maidai smavvaset salled.

Kvædfjorast læ stengim muttom nuottebruvgak stuorab ja smaveb stængaid. Mutto sorta læ smaves dobbege. Hadde læ læmaš 3,50—8,00 kruvna mittost.

Ollo salledoastek ja nuottebruvgak.

Maidai æra smaveb baikin læ stengijuvvum davalažat.

Amta salledhivvodak 60,000 mitto vuyddujuvvum handalgavvon 16000 farpal, jiegñaduvvum 1200 kassa.

Skjoldehavna birrasin læ alggam smavvaset fierbmebivddo. Gieskad godde 3 mitto farpal.

»Bulgarsorbmiægje.«

Gonagas Konstantin læ gieskad oappaladdam Athen stuora olmušædnagvuoda vuolde, guđek čurvvu: Ellus

Konstantin dat stuores! Ellus Bulgarsorbmiægje!

Samlagai

buollevine hivvodak 1905 læi okta ja njæljadas miljon litar ja 4 ja goalmasdas miljon litar 1911.

Buollevineadnu juokke olbmui ala læ daina beivin bagjanam 2,65 litar rajest 3,22 littar ragjai.

Norga læ ain Suoma mañest dat ædnam, mi adna uccemus alkohol jukkamušaid buok ædnamin mailmest.

Jos don

ik læš vela dinggom »Nuorttanaste«, min aidno samegielblade, de læ vel aigge odne.

Loga ainas dam!

Juokkehaš, gutte dinggu »Nuorttanaste« nubbe jakkebællai (15ad juli rajest jage loppi) ja maksa kontingenta kr. 0,50, oažžo mannam jagas juovllanummar „Juovllanaste“

skænkkannu gukka go oplaga bistu.

Dinggujeket dallanaga, vai ainas oažžobetet dam čabba juovllanummar.

Loga dam!

A. Larsen samegiel muittalus girje „Bæivve-Allgo“ læ dal olgusboattam. Dam girjest læ 80 bæle ja maksa kr. 1,10, porto 5 øra.

Girje satta dinggujuvvut mu bokte.

A. Larsen,

Repparfjord, Finnmarken.

Mu Elektrisk boakkan

læ ožžom stuora vidanæme su stuora famolaš duojaldagas bokte. Dam ravdnje læ erinoamaš garas ja dam buoredam fabmo stuores. — Don gutte læk buocas, bajasadde mitto čovaje, čielge birra. Čale odne ja gæčcal, mi dast fallujuvvu. Boakkan maksa dušše 10 kruvna portofria.

Oamedovdolaš divšodæbme lakkeduvvu, mi juo šadda mañasassi dat buoremus duodaštus.

Buok gačaldagak vasteduvvujek fargamusat go vastadus porto mielde čuovvo. Čale ainas darogilli. Samegiella i addejuvvu.

E. Mikalsen.

Sortland, Vesteraalen.

»Nuorttanaste« čalle, prenttejægje ja olgusadde læ Ole Andersen, Skjoldehavn.